

籌辦夷務始末

籌辦夷務始末卷之二十二

同治二年癸亥十一月丙午黑龍江將軍特普欽奏竊查
本年夏間俄人在黑龍江上游右岸阿奇夏納夾心灘等
處越界墾田並在呼倫貝爾屬界越卡搭蓋水磨板房一
所柳條窩鋪三處派員前往辯論平毀緣由經督具奏於
八月二十九日奉到

上諭內閣特普欽奏俄人在阿奇夏納等處越界耕種田禾經副
都統副保率兵平毀等因欽此等正在欽遵辦理之際適據呼
倫貝爾署總管那爾胡善詳報遣派總管額爾德呢等前往
拉爾河口會見瑪爾爾詳加開導該瑪爾爾尚知理曲當

飭該屬將水磨板房一所拆毀運回。並將柳條窩鋪焚燒。其越界轍跡。尤稱下年再不復蹈。又續准黑龍江副都統關保咨。據巡查下江委員查報。至距城一千餘里之喀木呢哈達地方。索勒艾音河兩岸柳林隙地。有俄人墾種田禾五十餘塊。往下十餘里之耶瑪岱河兩岸柳林隙地。有俄人墾種田禾八塊。每塊約在一畝上下。帶同兵丁平毀。驟由江左渡來男婦多人。持械攔阻。隨往尋該處頭目。理論。據稱係奉俄人之命耕種。不容平毀。並據咨稱俄人布色依前已他往。並未知會等因。咨報前來。茅隨飛咨該副都統確探布色依是否回旋。務即遵

旨向布色依將夾心灘占墾地方屢詞駁斥不得聽其久行侵佔。並將續行查出下江索勒雙音等二處越墾之地向其詰訊辯駁。悉令平毀。索要字據。下年不准再行越界占墾等因去後。嗣據該副都統咨稱。前往海蘭泡探詢。據該處署事之俄人薩雙啟聲稱。布色依已往上江。一切事務交伊接管。下江索勒雙音等處田地已飭平毀。下年不准再行耕種。惟夾心灘地方為兩國公中地。因其左岸概多山石林木。無處耕種。該處人等墾求。嘎爾薩庫福主使耕種。明年仍須耕種等情。隨遞給親書俄文。該副都統不肯接收。再三辯駁。該酋氣忿。一味狡展。無奈接收其字。一併咨

報前來。李伏查黑龍江邊界地址。與俄圖接壤三千餘里。江左一帶處處屯居。而江右則概皆空曠。四無煙戶。俄人貪心不已。屢經乘隙越界墾地。從前所取字據。均係兼寫清文。吳蒙古字樣。此次僅寫俄字。既未諱其所語情形。若將其俄字存留。將來在彼墾種。轉為有詞。益難辯駁。李仍咨令該副都統。再至海蘭泡。面見該酋。告以前具文字。與和約不符。應行駁回。其夾心灘地方。本屬右岸。豈能任令侵占。下年務須退出。不准復墾。詎薩斐啟雖接回其字。仍稱准將上江阿奇夏納。下江索勒斐音等六處所墾之地。下年均不越墾。惟夾心灘所墾之地。坐稱係遵嘎爾薩庫

幅委命耕種。卽布色依亦不敢作主。不肯通具退出字據。等因。復行咨報前來。拏伏查該處越界墾占情形。前經具奏業蒙

飭下總理各國事務衙門。向該國住京公使剴辦。尚未答覆。茲俄前布色依既經食言。躲避他往。而署事之薩斐啟。又堅稱遵奉嘎爾薩庫幅飭交耕種。不肯全行退出。是否該署首狡詐欺誣。藉詞推諉。抑果係該管上司亦不以和約為憑。無從辯白。可否俟該國住京公使答覆到日。再行辦理。抑或令該國住京公使。轉行嘎爾薩庫幅嚴禁越墾。毋令屬下違約妄行。庶該酋不至再有狡執。

御批該衙門知道。

丁未。江蘇巡撫李鴻章奏。督軍攻勦蘇州。克復者垣。英國兵官會帶常勝軍權授江蘇總兵。戈登奮勇勤苦。洞悉機謀。火攻利器。尤多贊助。擬請

旨酌加賞賚。俾事竣回國。藉示榮寵。

諭議政王軍機大臣等。李鴻章奏督軍攻勦蘇州。克復者垣一摺。此次攻克蘇城。戈登甚為奮勇出力。著李鴻章傳旨嘉獎。本日已明降諭旨。賞給戈登頭等功牌。並賞銀一萬兩。以示嘉獎。所有銀兩。著李鴻章等款賞給。外國本有寶星名目。崇厚等曾經製造有式。諒李鴻章亦必知之。所有賞給頭等功牌。即可仿照。

變通辦理

壬子總理各國事務恭親王等奏竊自同治元年先後調派

圓明園護軍營使銳營外火器營及八旗漢軍官兵赴天津練習洋槍洋礮原擬練習精熟之後調回京營推廣其法自相教練以期利用嗣因賊匪竄擾山東直隸將洋槍隊調赴軍營所向有功又因津郡防務喫緊復行調回防守郡城現在直境已就肅清所有洋槍隊即可撤回京營推廣教練但海口重地仍須彈壓防守未便全行撤回臣等酌擬先行撤回一半以廣教練仍將京城神機營官兵照

原數調換赴津以資學習而重海防。庶覺兩有裨益。現據三口通商大臣崇厚函稱計京旗練兵八隊所習技藝均屬一律嫻熟。或全數調回。或先分四隊回京。由神機營挑選京兵來津。互相教練。毋庸另募外國人教習。其礙車官兵亦可先分一半。赴京川資擬以半月口分作為該官兵盤費等語。且等查崇厚所稱尚屬可行。應將在津京營洋槍洋礮各隊皆撥一半回京。所有川資照崇厚所擬辦理。即令該官兵等於十一月十六日起程。下半月口分即作為回京川資。不必另外開銷。計二十日前後皆可到齊。令赴神機營報到。暫令休息數日。由神機營傳知該官兵於

二十八日。接領神機營十二月分所空原額口分銀兩。至神機營派撥赴津官兵。照原數減半。應挑選三營兵各二十名。官各一員。漢軍八旗挑選兵一百八十名。官八員。其赴津川資。查前次調派官兵。曾經奏明發給整裝銀兩。原因同外國人習練。未便過形襤褸。以期外觀有耀。此次赴津官兵。皆係自相教練。只求技藝精強。不必徒飾外觀。臣等酌擬止發盤費車腳。每官給銀四兩。每兵給銀三兩。盤費車腳一併在內。已可用度到津。查有順天府所存量鐵物價洋銀。可以撥用。酌提散放。卽令該官兵於十一月二十五日起程。月底可以到齊。接領天津十二月分所空原

額口分銀兩。至該官兵所用槍支礮車。據索厚稱飭赴京
官兵。原領成字號槍支。仍連配帶。並備用每兵五十出鉛
箭火藥。俱令攜帶赴京。其換班之神機營兵來津。仍請按
照兵數發給洋槍。以備操練。應需配帶全分。由外置辦。京
中有俄國礮車。可以習練。無庸由津運京。較為兩便等語。
除隨洋槍舊有各件飭兵攜往外。餘照所請。由外置辦。仍
將應辦之件。咨報查覈。至京營練習礮車。即可就現存俄
國洋銅礮帶車。配用神機營馬隊馬匹。即可教練。以收實
效。而省浮費。其調換教練之兵。將來著有成效。或仍行更
換。或全行調回。再當察看情形。屆時妥善辦理。

御批。依議。

恭親王等又奏。再本年四月間。據俄國照會稱。該國現今
巴留捷克回國。所有應辦事件。令幫辦格凌喀署理。十月
二十日。據俄國大學士照會內稱。現派倭良嘎哩作為全
權大臣。住京辦理一切事件。並望優待等語。該使即於是
日到京。二十三日。來臣衙門謁見。情詞尚屬恭順。臣等遂
將給該國大學士照履。託其轉行寄交。

御批。知道了。

大俄欽命總理各國事務大學士王蔭棠爾查麻福為照
會事。照得前任京欽差大臣巴留捷克。因病懇請辭任。表

大皇帝准其所請。並特簡倭良嘎哩為全權大臣。前往中國京師。該大臣謹遵。卽日起程赴京。相應照會貴王大臣。請將兩國利益之事。均與該大臣商辦。諒該大臣到京。必受

貴國優待。以符其代國秉權之任。卽與我素備優待。貴國秉權大員之意無異也。為此照會。希卽查照可也。

給俄國大學士照會

為照覆事。同治二年十月二十日。接准貴大臣照會。備悉。貴國派倭大臣來住京師。一切事件。卽與商辦。並望中國。將其優待等因。本王大臣查巴大臣住京以來。遇事和平。

商鯨深為洽浹。卽格大臣署理全權大臣。亦能使兩國友睦。日敦。今倭大臣到京。自必能將兩國利益之事。秉公商酌。愈增和睦。中國自應益加優待。與巴大臣住京時無異。想貴大臣亦必忻慰也。為此照覆。

丙辰。江蘇巡撫李鴻章奏。蘇州逆首鄒雲官等。敵血立盟。誓同生死。獻城後。遂占住閭胥盤齊四門。於街巷各口堆石買卡。隱然樹敵。又添招蘇城附近賊黨陸續進城。堅求准立二十營。並乞奏保總兵副將官職。指明何省何任。其扶眾要求之狀。種種堪虞。臣思受降如受敵。必審其強弱輕重。能否駕馭在我。若養虎貽患。苗沛霖宋景詩皆其前

鑒卽幸而如李世忠。至今滁州等城仍未退出。蘇省財賦名區。豈容該首等擁眾盤踞。至貽無窮之憂。况鄧雲官等積歲巨酋。在賊中封至偽王天將。其罪惡已不可赦。今圍困始降。毫無悔罪之意。仍多非分之求。將來斷不能遂其所欲。卽斷不能無反覆。因傳令該首等八人來營謁見。多方開導。冀其解散脅眾。再為顛懲。

恩施。詎該首等堅不應允。鄧雲官並未薙髮。詢其原由。則以所求各事一一推行。卽可薙髮。維時忠逆李秀城尚在望亭。距蘇甚近。鄧雲官等皆係忠逆黨羽。誠恐復生他變。不如立斷當幾。萬不得已。登時將該偽王天將等斬誅。派程學啟

督隊入城。按捕逆黨。於是降眾二十萬。成繳軍器。乞就遣散。臣復派委弁挑留二千人。分置各營。其餘陸續資遣安置。臣卽於二十九日入城駐守。督率官紳分投撫恤。人心大定。不謂戈登因臣先調常勝軍回駐崑山。未得入城肆掠。忽生異議。先曾謂不應殺募逆。茲又謂不應殺納逆。聲稱卽帶常勝軍與官兵開仗。經道員潘曾瑋總兵李恆高勸止。乃又招去納逆義子邵勝鑲。暨久從蘇賊之廣東人千餘名。意殊巨測。又僉憑英國提督薄朗鑄譯官梅輝立來蘇辨詰。臣告以自督軍來滬。先收南匯降酋吳建瀛。准帶千人。次收常熟降酋駱國忠。准帶二千人。均肯退出城。

池。據受約束。故以戰功保至副將。信用不疑。臣並非好殺降者。茲部雲官等所求太奢。欲踞省城。閩繫太大。未便姑容。養癰成患。且誅八首而後能解散二十萬眾。辦法似無不是。戈登先期調回崑山。事在倉卒。未及商量。蓋一商詢則彼必極力護庇。此事遂無了局矣。該提督則以英團不喜殺人。是使戈登無詞以對外國。強派且辦理錯誤。臣姑勿深辯。惟其悻悻見於詞色。據稱申請公使。與總理衙門議定。再將甯勝軍作何區處。其意殆扶該軍與我為難耳。臣雖戈登助勦蘇城。近來頗為出力。是以督同程學啟曲意籠絡。俾為我用。疊經據實奏報。仰懇

恩獎。不料成功之後。既索重賞。仍生釐端。值此時事多艱。中外和好。且斷不敢稍涉鹵莽。致壞大局。惟洋人性情反覆。同知事體。如臣樁昧。恐難駕馭。合宜設英公使與總理衙門。遇於爭執。惟有請

旨。將且嚴議治罪。以折服其心。

諭議政王軍機大臣等。李鴻章奏蘇州乞降。內應之賊。目都雲官等降眾二十餘萬。於投誠後。仍復扶眾種種要求。恐貽後患。傳令該降酋等八人來營。加以多方問導。堅不允從。當將都雲官等立予斬誅。現在降眾人等。業已繳呈軍械。乞就遣散。李鴻章卽日入城駐守。督率官紳分投撫恤。人心大定。所辦並無不合。

而戈登乃因該撫先期調令常勝軍回駐崑山未得入城忽生
異議強謂李鴻章辦理錯誤有欲帶領常勝軍與官兵開仗之
語招去部雲官義子部勝鑾及久從蘇賊之廣東人千餘名意
殊叵測又從德英國提督薄朗繙譯官梅輝立來蘇辯詰其悻
悻之意見於詞色據稱申請公使與總理衙門議定再將常勝
軍作何區處其意殆扶此軍與我為難李鴻章恐英國公使與
總理衙門過於爭執豫請將其嚴議治罪以折其心賊中脅從
歸誠反正原應寬其既往予以自新但須其真心悔罪投誠如
駱國忠吳建瀛等未嘗不立加以官職若部雲官等之扶眾要
求占踞閭閻各門地面堅求准立二十營頭並乞指保總兵副

將官職種種殊出情理之外。乃戈登忽以該撫之誅鋤部雲官等為非是。洋人不明事理。性多褻執。往往而然。其於殺降一節。亦曾與總理衙門常時議論。不以為然。而不知此中權衡。自有一定之理。殊難與為曉譬。當此時事多艱。中外和好。且戈登此番助勦蘇城。頗為出力。自不能不隨時隨事加之籠絡。此等唇舌。我自不值與之深辯。然其藉端曉讀。亦惟有據正理駁斥。以折其心。李鴻章辦理此事。甚為允協。斷無將其議罪之理。該撫督軍勦賊。方當事機順手之際。惟應勉益加勉。嗣後於勦撫一切事宜。仍期準情酌理。辦理一歸至當。豈能妄為外國人之所牽掣。將來英國公使。如果向總理衙門議及此事。亦必據正理

駁斥之也。

大學士湖廣總督官春湖北巡撫嚴樹森奏湖北漢鎮地方上連川陝下達江皖南通湘粵北接豫經為水路之通衢與武昌漢陽相為鼎峙凡欲保守武漢必須先守漢鎮方臻穩固而漢鎮地勢前濱大江東西及後湖沿隄一帶皆係通衢可達豫皖當江湖水漲之時尚易巡防遇春冬水涸之際實為無險可守李等督率漢黃德道鄭廟漢陽府知府鍾謙鈞商諸該鎮紳商會稱必須就該鎮地勢三面築堡開濠設立礮臺以補長江之險方足以資捍衛其各國洋行及所買地基亦與各領事官公議擬以一併包

入濠堡之內。俾華洋商民咸得安居樂業。中外共成一家。以敦和好。

諭議政王軍機大臣等官。文嚴樹森奏。漢鎮築堡開濠等辦。大概情形一摺。據稱湖北漢鎮地方。為水陸通衢。現就該鎮地勢三面築堡開濠。設立礮臺。以補長江之險。其各圍洋行及所買地基。亦與各領事官公議。擬一併包入濠堡之內。等語。所籌尚屬周妥。即著照所擬辦理。所稱各圍洋行及所買地基。擬即一併包入外國商民。藉資捍衛。該商人自無不欣然樂從。惟此事總須內地官員自為經理。不可假手洋人。並不可令洋人從中襄辦。從前上海曾有築堡開濠保衛地方之舉。洋人代為經手。藉

此百計浮問索費其鉅。一切頗形掣肘。此次如不慎之於始。恐貽上海前轍。並著官文嚴樹森妥善辦理。

戊午閩浙總督兼署浙江巡撫左宗棠奏。據甯紹台道史致諤稟稱。上年四月克復甯波慈谿餘姚各城。外國官兵隨同助勦陣亡將領二人。弁兵十餘人。俱奉

旨嘉獎。該國官兵同深感激。惟昨次接見洋人。言及死事各員既蒙

軫卹。而現在打仗出力者可否仰懇

天恩酌賞玉器荷包等件。俾得傳諸本國。以示寵榮。經該道將疊次助勦最為出力之英國領事夏福禮。總兵味樂德。克都

司彼格譽編譯官有雅芳兵船醫官參將銜伊爾雲水師
都司費達古法國參將德克磬稅務司日意格教主田豐
思等九員。開列清單。據情詳請前來。臣詳加覆覈。上年克
復甯波各城。外國官兵實屬出力。惟由

山府碩賜奇珍恐襲

國體。從前並無辦過成案。可否請

旨嘉獎。飭下欽此傳

旨賞給之處。出自

聖裁。

諭議政王軍機大臣等。左宗棠奏。英法領事夏福禮等九員。助勦

出力請旨嘉獎。並由該督傳旨賞給物件等語。英國領事夏福禮、總兵叻樂德、克都司陂格、樂編譯官有雅、若兵船醫官參將銜伊爾、雲水師都司費達吉、法國參將權拔、中國兵官德克碑、稅務司日意格、教主田墨、墨上年隨同官軍克復甯波各城、實屬奮勇出力、宜加賞賚、以示嘉獎。各國助勦出力獎勵、有僅傳旨嘉獎者、有行知各該國主自行給獎者、有賞銀牌者、有賞銀兩者、其功績大小不同、故獎賞亦厚薄有別。日前李鴻章奏克復蘇州省城、戈登尤為出力、曾經降旨賞給頭等功牌、並銀一萬兩。聞此外、另有李鴻章賞賚銀七萬兩、浙省助勦之英法領事等官、夏福禮等九員、協同克復甯波慈谿等城、甚為出力。惟

究非克者可比。若賞給銀兩，恐以戈登為比，實難為繼。若賞給物件，遇優，恐戈登又有藉口。緣日前陣亡之勒伯勒魯曾賞貂皮。英國住京公使曾援以為戈登請。經總理衙門告知係因陣亡而賞。戈登實非其比。是以重賞銀兩，該使亦即終止。左宗棠所請傳旨賞給該員等物件，是否已有成說，惟未明言何項賞件。礙難懸擬。著將各該員等勞績細加察覈，應如何分別賞賚銀兩物件功牌之處，一面的擬賞件頒發，一面的擬並摘錄此旨內嘉獎數語宣示。其或需賞給銀兩，或需酌賞物件，只須酌定一項填註旨內。至功牌為外國人所重，無論或賞銀兩，或賞物件，均不可無功牌。功牌如外國寶星之類，崇厚李鴻章並曾

製造有式。可做照辦理也。

丁那烏里雅蘇台將軍明諱伊犁參贊大臣明緒塔爾巴
哈台領隊大臣博勒果素奏竊等。於九月二十九日承
准議政王軍機大臣字寄。同治二年八月二十三日奉
上諭一道。令等遵奉前次

諭旨。向俄營告知現已由總理各國事務衙門准照該國使臣議
單辦理。令其靜候使臣來塔定議。仍一面嚴加防範。勿稍
疏懈。等因。查西北四城疆土。其烏里雅蘇台境內係俄
人起意侵占之區。雖尚未來滋擾。而所屬科布多轄境。夏
間俄人逞橫。內犯。當將坐卡弁兵鞭辱拘去。賴該處大臣

審知時勢不與決裂現已阻令撤回至塔爾巴哈台所屬之胡素圖卡內烏里雅蘇圖瑪呢圖干都爾罕巴克圖各卡外俄國兵隊住紮數月已於九月十三日該使臣雜哈勞回去時全行帶回然俄情詭詐實難揣測等語當即欽遵

諭旨嚴飭塔城在事員弁並分咨烏科二城大臣各飭所屬儘有俄國兵隊前來滋擾務向其告以已由我總理各國事務衙門准照俄國使臣議單辦理令其靜候使臣來塔定議毋得構釁致傷和好伊犁前月俄人兵隊闖卡撲營我兵已獲勝仗似易轉圜但不知現在俄兵已未撤隊遵卽飛

谷常清將已奉

諭旨。准照該國前開議單分給之處。派員告知該帶兵官。靜候該使臣來塔會議。急緝兵營。並令其將如何安置內服之哈薩克布魯特人眾。及索倫四愛曼生計妥議。咨覆。復派該處色布貞奏。旋回伊犁。將等等在塔籌辦各情。詳細稟明。並請該將軍將查辦各情。及究應由何處為界。切實咨覆。限該委員於開年正月內。趕到塔城。以便妥立一切章程。備與俄使前來定議。再緝坦著仍准其承襲汗爵。將常清現在行查公舉襲汗咨文。密行撤銷。聲明諱明。緒遵。卽將伊犁原咨。檢出銷案。前次撤調汗爵緝坦來城。察其情詞。

已知奉

旨飭令各台吉公舉應襲之人。彼時若再不宜露誠。恐該汗妄生疑懼。致生枝節。是以告知前奉

諭旨。飭令哈薩克各台吉公舉應襲之人。現在尚未公舉。爾等如能堅心內服。出力報效。自必奏懇

聖恩。優加獎勵。該汗聞之。甚為感悅。茲奉

諭旨。仍准其承襲汗爵。容俟復調。該汗來城轉諭。

大皇帝因爾等屢次呈稟。誓志不肯從逆。特降

恩旨。仍准爾承襲汗爵。俾知感激。而堅其內服之心。至該汗前次

求領

敕書。才等卷查成豐九年該汗前往伊犁。恭繳原破。

敕書。求另。

實換一分。當經前任伊犁將軍扎拉芬奏呈送軍機處查銷。請換敕書。嗣因該汗冒襲汗爵。並未頒給。茲奉

諭旨。仍准其承襲汗爵。相應請

旨飭下該衙門即行頒給。

敕書一分。以安其心。

諭議政王軍機大臣等。明誼等奏接奉寄諭。遵旨覈辦。一摺。據稱接奉前旨。向俄人告知。現已由總理各國事務衙門。准照該國使臣議單辦理。並飛咨常清派員告知該帶兵官。靜候該使臣

來塔會議。並請該將軍將查辦各情及究應由何處為界。切實
咨覆。限該委員於開年正月內。趕到塔城。以便妥立一切章程。
備與俄使前來定議等語。俄國分界事宜。前經總理各國事務
衙門定議。准照該國使臣所開議單辦理。原以常清曾有兵單
餉缺。戰守兩難之奏。即明諒等前此片奏。亦有審度時勢。於利
害兩形之下。酌其輕重。勉圖收束等語。是以因勢利導。就此轉
圜於守約之中。寓弭兵之計。惟尚須俟該國使臣來塔城會議。
方能定準。其究應由何處為界。祇可按照條約辦理。如該使肆
意侵占。該將軍等仍當據理與之辯論。未可盡委之總理各國
事務衙門。遂謂可將就了事也。伊犛前此有俄兵闖卡撲營。雖

被我兵擊退。難保不再來窺伺。現在已未撤隊。辦理是何情形。久未據常清奏報。聞靈州一路驛站梗阻。頗有公文摺報在途。遺失。現在甯夏漢城及靈州相繼不守。此後兩路摺報。著常清等派員偵探。改道速遞。以免貽誤。並著飛催該委員等於來年正月趕到塔城。妥立章程。與俄使定議。近日辦理情勢。仍著詳悉具奏。明緒等即備文催令俄國使臣。於來春到塔勘分地界。雖哈營雖已帶隊撤回。轉瞬春融。難保不復出滋擾。該將軍等仍當嚴飭塔城在事各員。並分咨烏科二城各飭所屬嚴為戒備。令其節候分界。無滋釁端。輝坦准其承襲汗舞。正在辦理。願給敕書。已催令該衙門將敕書趕緊頒發。明誼等務當宣布朝

廷威德。俾知感畏。以堅其內附之心。使之樂為我用。

庚午。江蘇巡撫李鴻章奏。平湖縣城收復。乍浦嘉善賊黨亦紛紛具稟投誠。甯勝軍現駐崑山。自臣於給犒賞洋銀七萬圓。尚屬安靜。戈登招去從賊之廣東人。聞已遣散。過半。英提督薄朗回滬。糾集各國領事聚議蘇州。殺偽王一。事聞各國官商亦不盡以為然。薄朗已告明住京公使。以後戈登仍否幫中國帶甯勝軍。俟奉覆文。再行定見。戈登暫住崑山。據稱不歸。且調遣。臣兵力可敷防剿。亦無須該軍協助。惟仍虛糜月餉。靜候總理衙門與英公使如何定議。如准戈登告退。須令該軍帶隊外國弁兵一百數十名。

妥為撤回。該軍疊次購買外國礮位及現存外國軍火全
行交出。臣再酌派中國武職大員接管。彼無所扶持。庶不
敢背叛滋鬧。如不得已。仍交英官管帶。保衛上海通商口
岸。則該軍人數及一切浮費。均須大加裁減。仍聽督撫節
制。或可漸漸清理。

諭議政王軍機大臣等。李鴻章奏收復平湖縣城。並乍浦嘉善賊
首亦具稟投誠。戈登一事。已經總理各國事務衙門王大臣。向
英國公使妥議矣。

十二月。庚辰。江蘇巡撫李鴻章奏。上海華洋交涉事件極
多。近來各國洋人。紛投並集。尤為繁雜。緣通商大臣主持

一切閩道有所稟承。且既移駐省城。卽偶回港。未便久留。該道黃芳兼管地方閩稅各事。恐難獨任洋務。查有候補知府應寶時。辦理會防局。與洋人共事兩年。熟悉情偽。不激不隨。且在港時與外國人交接。每令該員從旁調停。悉臻妥洽。擬飭其幫同閩道黃芳籌辦洋務。卽作為通商大臣衙門隨員。仍兼管會防局。其有緊要事件。隨時會同閩道稟商。且處裁奪。或由臣抽閒住港督辦。

李鴻章又奏。再欽奉寄

諭。此次攻克蘇城。克登甚為出力。著傳旨嘉獎。等因。欽此。除且先已允給常勝軍犒賞洋銀七萬圓。飭閩道黃芳於稅項內

提樹借故外。臣又於蘇屬餉捐局內籌銀一萬兩。派記名道潘曾瑋齎送崑山。宣

旨嘉獎。戈登排隊祇迎。免冠敬謝。據稟稱以外邦小臣。叨沐殊恩。感愧交并。當此軍餉支絀。不敢濫膺。

上賞。虛糜帑項。仍交潘道暫存等語。旋據潘曾瑋李恆嵩面稱。該兵官因前殺偽王一事。既待異議。英提督薄朗令其前候公使與總理衙門定議。薄朗現往香港未經會商。不敢擅收。惟該兵官感激之餘。漸知悔悟。當約束弁勇。勿任滋事。俟薄朗回滬商准。或俟回國時。賞作盤川。自應敬謹領受。臣當卽函覆戈登。以中國體制。有功當賞。不可固辭。至頭

等功牌仿照外國寶星式樣。飭會防局變通製辦。並俟戈登事竣回國再行傳

旨賞給以示

聖主恭遠酬功格外優待之至意。

諭議政王軍機大臣等李鴻章所請飭令候守應寶時幫同閩道黃芳籌辦洋務作為通商大臣衙門隨員以資得力之處。卽著照所擬辦理。戈登於賞給銀兩不敢遽領。卽俟其回國時再行賞給。及將功牌仿照外國寶星式樣製造一併發給。以示優賞。並已諭令總理各國事務衙門。速將前事定議知照矣。

丙戌。署烏里雅蘇台將軍麟興奏。八月二十三日接奉

上諭科布多所屬之哈屯河地方一帶。經麟興等派員前往查勘。行至庫克烏蘇地方。因路險林雜。不能前進等因。欽此。鄂再四思維。若照依歷年成案辦理。不獨剽調蒙古官兵。往返需用時日。且恐蒙古官兵仍行照前不至。是以才由本城揀派額外駝騎校瑞成。音德。賀候補筆帖式存保。候補外委馬兵李明忠等四員名。於九月二十五日前往。復行詳細查勘去後。嗣於十月初七日。據該委員等回城面稟。於九月十四日。行抵阿勒坦淖爾烏梁海游牧。帶領總管齊察罕等。查至庫什業莫多吹河地方。見有俄人舊蓋木房三十餘間。並有俄人十餘名。在彼貿易。除此商人之外。並無

兵隊亦無阻截去路等事。續於十八日查至海青大壩。雪大無路。當卽飭令引路總管等設法前往查勘。該總齊察罕等言稱。此是必由之路。若有別路可往。日後情甘認罪。情願出具甘結等語。職等當卽取具甘結返回。才再回盤詰。該委員等稱。所有查勘之處。並無俄羅斯兵隊。亦無俄人阻截去路等情。實因雪大封山。未能查勘至哈屯河地方。才獲其稟稱情節屬實。應宜據情陳明。

諭議政王軍機大臣等。前因麟興等派員查勘科布多所屬之哈屯河一帶。行至庫克烏蘇。因路險林雜。不能前進。當經諭令該大臣揀派妥員。探明路徑前往。茲據麟興奏稱。委派驍騎校瑞

成等四員名。於九月二十五日啟行。十月初七日。據該委員回城稟稱。於九月十四日由阿勒坦淖爾烏梁海游牧。查至庫什業莫多吹河地方。見有俄人十餘名在彼貿易。並無兵隊阻截。十八日至海青大壩。雪大無路可行等語。所奏殊未明晰。瑞成等係九月二十五日前往查勘。何以九月十四日行抵阿勒坦淖爾烏梁海地方。又何以十月初七日即行回城。往返如此之速。且此次委員業已行至海青大壩。是否由庫克烏蘇經行。若已過庫克烏蘇。則前次委員所稱路險林雜。實屬荒謬。自應將該委員據實參劾。乃麟興並未將一路查勘情形詳敘。但據瑞成等大雪封山。不能前進等詞。率行入奏。而措詞又多自相矛

盾之處可謂糊塗已極。著麟興明白回奏。疆界重務，不得不認真查辦。豈可半途而廢。轉瞬春融雪霽，仍著麟興嚴飭原派之委員瑞成等前往哈屯河查勘明確。俾與俄人分界時得以斟酌定議。儻該委員等託故不前，卽著從嚴叅辦。

麟興又奏竊才前於九月十六日奉

上諭麟興奏偵探俄人並防範烏梁海等處辦理情形一摺等因。欽此。才當卽備文密劄駐管烏梁海庫布蘇庫勒淖爾協理台吉貢濟勒多爾濟慎密留心訪察烏梁海究竟有無與俄人勾結情事。斷不可代為隱瞞。務須密為迅速呈報。行查去後。茲據駐管烏梁海庫布蘇庫勒淖爾協理台吉

資濟勅多爾濟詳稱協理台吉接劄後。卽於所駐管各處地方留心偵探。嚴密訪查烏梁海人等。實無與俄人勾結情事。詳報前來。等謹恭摺覆奏。

御批知道了。

戶部尚書羅惇衍奏。竊惟四夷徂處中國。其氣甚惡。而美利堅尤甚。虎視狼貪。不一而足。卽無事尚思挑釁。若與以罅隙可乘。則氣欲驟增。必成燎原之勢。今已故布政使銜候選道伍崇曜捐輸銀三十二萬兩。該與美國要在粵海關索本息銀四十七萬餘兩。此事直同借國盜賊。真為神人之所共憤。覆載之所不容者。緣伍崇曜累世以洋商起

家積費至數千萬兩。遂以富甲天下。臣與二品銜前太宰寺卿龍元僖。前工部掌印給事中蘇廷魁。於咸豐八年奉旨辦理洋務時。以伍崇曜袒護英吉利各國。且洩漏軍情。附摺奏參。請酌罰捐輸重款。

文宗顯皇帝卽時允准。

飭下前任兩廣總督黃宗漢。飭令籌撥。乃黃宗漢辦理不善。改捐為借。人以六釐行息。給與粵海關印票。該紳袁懷巨測。究屬中國子民。縱名為借。未必有所扶。以求清還。是以目與龍元僖蘇廷魁二人。當時不與計較。孰意該紳竟包藏禍心。引寇索欠。有如此亘古未聞之事。且不計及咸豐八年。

臣等方督辦團練。與洋人接仗。乃該紳於未定和約三載以前。公然有人。且外交之跡。其為肆無忌憚。已堪髮指。並欲於閩稅項下歸款。不顧廣儲司無所取給。又不顧粵東彫敝已甚。驟籌此四十七萬兩之鉅款。民生必再被荼毒。存心如此。尤為罪惡貫盈。今該紳果伏冥誅。於本年十月二十四日病歿。粵民僉以死一大漢奸為幸。書所云忠迪吉。從逆凶。惟影響。易所云善不積不足以成名。惡不積不足以滅身。於此見之。其感應之機。捷於桴鼓。洵可為多行不義之炯鑒矣。該紳一生作為。種種謀戾如是。

朝廷不將其家產查封。固屬

聖主浩蕩之恩。然亦投鼠忘器耳。今聞其子弟生擁厚資。尚能畏事。不比該紳之老奸巨猾。為富不仁。前總理衙門會同戶部議。以該紳自行設法籌補。原易消費。但恐海關原給印票。一落於美夫之手。則持券來索。恐又多費唇舌。且釀事端。可否請

旨飭下兩廣總督毛鴻賓。密行察看情形。妥為勸諭。令其子弟將海關原票先行繳回。如果貧不能治。定窳。則春秋不伐。志君子建之。恐傷仁也。既已家道中落。自應仍照原議。令其子弟一體向粵省捐助歸款。如尚富可敵國。盡探利權。則不妨再酌量出資捐輸。以濟粵東及江浙軍餉。俾竭蕩有

期。漸登斯民於衽席。而拯舉世於塗炭。彼一絲一粟。皆出自
君上所予。豈可仍前吝惜。而置

國家事於度外耶。况廣東紳富。人人無不再四捐輸。若因該
紳倚恃外國。而獨姑恕之。未免舍其大而謀其細。殊覺失
宜。又聞該紳於咸豐四五年間。寄頓已革原任總督葉名
琛銀數百萬兩。後該督為英人虜去。該紳遂乾沒歸。已雖
屬道路之談。不足深信。然亦可見該紳生前之繫援文結。
無事不為。故能貨殖偏於閩城。田疇溢於沿海也。

諭議政王軍機大臣等。羅悖衍奏。劣紳勾通外國。勒還鉅款。請收

回印票以杜後患一摺據稱已故布政使銜候選道伍崇曜捐
輸銀三十二萬兩該與美國要在粵海關索本息銀四十七萬
餘兩今該紳已於十月二十四日病故恐海關原給印票一落
於美英之手則待券來索又費唇舌且釀事端請令兩廣總督
察看妥辦等語廣東紳士伍崇曜前代籌銀三十二萬兩據云
借自美國並需息銀十五萬兩前經吳端書奏請由粵海關稅
項下陸續給還當經總理各國事務衙門戶部議由廣東現任
督撫飭令伍崇曜先行倡捐並於通省商富內勸令一體捐輸
歸款業經有旨允准茲據該尚書奏伍崇曜身故恐海關印票
一落外國之手諸費唇舌所等不為無見此項銀兩無論借自

何人總以速行歸款為妥。若毛鴻賓、郭嵩喜、蘇清、查前項銀兩，曾否勸捐歸補。陸續清還。現在尚欠若干。能否令伍崇曜子弟自行籌補若干。其不敷者官為勸捐清結。惟海關印票總以先行收回為最要之著。免致美國執持原券致多鏡舌。該督等務須妥速籌商。豫弭後患。

壬辰總理各國事務恭親王等奏。竊同治二年十一月二十四日軍機處交出明諭等奏。接奉

諭旨。欽遵。茲辦一摺。內稱。嚴飭各處。僅有俄國兵隊前來。務向其告以已由我總理各國事務衙門。准照俄國使臣議單辦理。令其靜候使臣來塔定議。毋得構釁。致傷和好。惟伊犁

前日俄人兵隊闖卡撲營我兵已獲勝仗似易轉圜等語
查臣衙門七月二十五日具奏請准照俄國前開議單分
界原因其時伊犁將軍常清等疊次奏報俄人闖卡撲營
餉缺難支臣等以該將軍等既經陳明該處情形議戰議
守兩無可恃若不亟為轉圜准照議單辦理將來兵連禍
結必致更難收拾即明諭另奏亦復以常清摺內所稱餉
缺難支均係實情日久相持不堪設想如果該國遣使復
來茅惟有與明緒等審度時勢於利害兩形之下酌其重
輕竭盡血誠勉圖收束並陳明萬不得已之苦心自有

天日照臨俯察衷曲等語是此件事處兩難萬無善策兩害相權

則取其輕。該將軍久已備悉。茲聞此次奏報。謂西界事宜已由臣衙門准照議單辦理。並稱我兵伊犁已獲勝仗。似易轉圜。窺其言外之意。一似有此一勝。將來該將軍自能力阻先鋒。駁斥議單不准。無如總理衙門奏准在先。不得不勉為照辦。曩與該將軍前奏指誓天日。及兩害相形。酌其重輕等語。不符。臣等查夷務之壞。皆因從前內外臣工互相推諉。稍有關係之事。即不肯身任其責。日甚一日。遂致釀成不可救藥之勢。邇來時局艱難。中外臣工。總應潑慮洗心。勿蹈從前故轍。臣衙門遇有外國交涉為難事件。斷不敢稍存推諉之見。今外間獨任其難。故凡可由臣衙

門了結者無不代為聲請俾外間有所遵循。但地隔萬里數千里之遠。亦有未能由臣衙門懸揣者。總賴外間隨時相機辦理。方期於事有濟。西界之事。臣等既就該將軍等。憂奉為難情形。得有依據。即為擔承。斷不敢因該將軍既有此奏。稍移初志。惟此件中外大局攸關。將來烏梁海等眾作何安置。哈薩克布魯特等部作何撫慰。尚有幾許應辦事宜。全賴該將軍等於躬親其事之時。就近酌度情事。悉心籌畫。竭力維持。俾歸妥善。儻或稍存誤却。誠恐會議時既難千里請。

命必致貽誤事機。所關非細。至云我兵已獲勝仗。似易轉圜。不但

與前奏不符。且未免言之太易。無論伊犁偶獲小勝。未必可恃。卽令將此股盡數肅滅。而俄人堅韌性成。亦難保其不逞兵再來。咸豐九年。僧格林沁在天津大獲勝仗。宜若可恃。旋卽有十年之變。前事不遠。可為借鑒。所以臣等雖知准照議單辦理。難免有空礙之處。不敢不酌量利害。輕重。至圖消弭邊釁。所有委曲辦理情形。統在

聖明洞鑒之中。且此事雖前已奏明。允准照該國議單勘分。其給與該公使照會內。仍有妥商照辦之語。相應請

旨飭下。明諭等於會議時酌量情形。妥為商辦。儘能挽回一二。於邊疆亦不無裨益。不可意圖卸責於人。將就了事。是為至

要

諭議政王軍機大臣等總理各國事務衙門奏詳陳辦理俄國分界委曲情形一摺。據稱常清等疊次奏報俄人闖卡撲營餉缺難支。明誼所奏亦以常清所稱餉缺難支均係實情。如俄國遣使復來當與明緒等酌其輕重。勉圖收束。此次奏報則稱西界事宜已由總理各國事務衙門准照議單辦理。並稱伊犁已獲勝仗。似易轉圜。與前此兩害相形。酌其輕重等詞。不符等語。夫務之壞皆因從前內外臣工互相推諉。近來時局艱難。中外臣工豈可再蹈故轍。若各存諉卸。且於奏陳摺內隱約其詞。豫為卸責地步。設因此延擱。別生枝節。致成決裂。益難收拾。且地隔

數千里。或萬里之遙。亦難悉由都中懸揣。卽將來烏梁海等眾。哈薩克布魯特等部。作何撫慰安置。亦須由該將軍等躬親其事之時。就近酌度情形辦理。伊犁偶獲小勝。未必可恃。著明諒等於會議時。卽就當時情形。徑行酌辦。不得游移瞻顧。動輒咨商總理衙門。以致貽誤事機。如果能挽回一二於大局不無裨益。斷不可意圖卸責。將就了事。總期相度時勢。勿稍拘泥。是為至要。原摺著鈔給閱看。

恭親王等又奏。竊惟控制中外之要。必以形勢為先。斟酌險易之情形。當取圍籍為據。誠以天下形勢。雖不能身親。偏懸要不可茫無憑藉。古人所以有史。尤必有圖者。正以

此也。現當整頓邊防之際，凡毗連外藩之所，其山川形勢，關隘阨塞，一切險要情形，尤宜於平日加意講求，得其要領，方可措置裕如。無如內府舊圖，近多缺略，雖此外一統有志，四裔有考，非不足以供攷覈，然皆略而不詳，加以今昔情形，水道變遷無定，往往有從前蕪穢，嗣後著興，昔為荒裔，今成要害者。形勢既殊，事機亦異，儻仍執舊圖為據，其間謬誤必多。故欲為今日稽考之具，必須就現在形勢，詳加諮覈，別繪新圖，何處已改其初，何處尚仍其舊，分別黏籤指說，使人展卷瞭然，庶幾得所依據，且等公同商酌。

擬請

旨飭下各省將軍大臣督撫轉飭各府州縣地方官親自履勘加
意訪耑將各該省沿邊及腹裏並中外接壤之區繪以總
圖再分各府州縣各繪細圖分別於後彙為一冊務將邊
界內外之山川形勢城鎮村落方向道里遠近險易一一
查明載入其居人住牧多少台卡營汛駐紮處所官兵數
目亦必逐處複查詳註冊內如冊內不能備載即於圖內
逐細詳加貼說務須明白周詳使覽者如同親歷方為妥
善斷不准草率從事致有疏漏舛錯等弊亦不准憚於履
勘輒將從前舊圖照繪塞責並令於奉文後寬予限期於
半年內一律辦齊咨送臣衙門查覈辦理如此庶嗣後有

所依據不至貽誤事機。

御批依議。

恭親王等又奏再查各省圖說固應詳明而毗連外國地方尤關緊要往者照約勘分東界致黑龍江烏蘇里江以外地處被俄國侵占現在西疆雖未分定將來哈薩克布魯特等部落亦難免被其包圍推原其故實緣俄人逐漸蠶食侵吞已久而各邊界從未巡查迨至該國暗占之地已多始行前來議約其時先經往來辯難力與相持邊之又久堅未允准惟是該國深謀積慮侵占已非一年彼時卽或有圖可據亦覺為時已晚况復空言辯論無從確實

指證折服其心。是以持至咸豐十年。英法兩國構釁之時。自不得不委曲遷就。當日定約情形。實在如此。若使該國未經侵占之先。中國邊境大臣。據團籍謀求疆界實力。巡查。何至任其潛蓋卡房。年復一年。時行侵越。以致釀成不可救藥之勢。由此以觀。是團籍之所關。甚非淺鮮。不可不亟亟講求。不但沿邊各地方。與外國外藩接壤處。所必須一一詳查。加意繪畫。卽內地之沿海通商各口。凡有外國租賃房屋居住之處。亦必將其地方形勢山川城鎮。道里方向。有無險隘。逐細控求。詳載圖冊。俾閱者開卷瞭然。方能臨事確有依據。臣等本擬請

旨飭下各該將軍大臣督撫派員分路履勘詳繪圖說第恐奉差各員不知此係為自理糧囤起見設或張大其事傳聞稍訛不但該處居民惶惑且恐外國驚疑閩粵實屬非輕是以正摺內祇空空措詞並未顯言所以繪圖之故且祇請飭各地方官就近查辦未敢遽請派員以防宣洩此次正摺密片所陳各情如蒙

俞允臣等仍擬另具公函密致各將軍大臣等屬其加倍慎重嚴飭承辦各員務須不動聲色認真親自履勘儘稍涉大意致生事故卽行嚴參緣密函皆係該將軍大臣等親拆自無誤會訛傳之弊庶辦理不致張惶而繪畫可期妥速矣

御批知道了。

恭親王等入奏。再英法兩國公使租住府第。原議每年各出租價銀一千兩。英國修理扣留租價二年。法國修理未經指實扣留租價年限。祇稱應扣數年。計自咸豐十年換約後。至今已逾二年。該公使等總未提及此件。而該兩館仍不時興作。臣等以該公使既未提及租價銀一層。若先與言。該公使必將以修理未竣為詞。轉形中國所見之小。不如示以大方。不與計較。於本年九月間奏明在案。茲英國公使卜魯士遣該國代辦官柏卓美送文。臣等洋字兒銀一千兩銀票一紙。稱係住府租價。照依前議。除去第一

第二年租銀二千兩作為修理之費外自同治元年九月初十日起至同治二年九月十九日止據稱按照該英國月日計算剛及一年茲交一年租價銀一千兩並立漢字洋字執照由臣衙門畫押蓋印互存為據臣等查此項租價該公使如不提及自未便向其討索若既照原議送來亦未便拒絕不收惟所居原係奕標府第前已奏請另賞奕標住宅此項府第即屬官房其租價銀自應交內務府查收即經臣等知照內務府派員會同臣衙門司員眼同英人兌明租銀一千兩交內務府收存除法國租價一項將來有無呈繳隨時奏明辦理外所有英國公使呈交租

銀緣由理合附片陳明

御批知道了。

庚子烏里雅蘇台將軍明誼等奏竊才前奉

諭旨著准照俄國使臣議單妥為辦理等因欽此。才等遵查既照該使臣前開議單定議換約不免與烏梁海蒙古及內服之哈薩克希魯特並伊犁附近遇卡居住之索倫四愛曼人等生計多有闡礙當經恭摺奏明暫緩行文俄國西悉畢爾衙門以便行知伊犁各城先將各哈薩克希魯特及烏梁海蒙古索倫四愛曼人眾生計應作何安置遷移之處迅速詳查覈定咨覆前來。安立章程備與該使臣定議

一面請

旨飭交總理各國事務衙門再與該住京公使商議依照該國議單換約仍令將伊犁各城有礙蒙古人等生計數處讓出數百里以便安置此項人眾等因各在案旋復接奉

諭旨著明誼等各遵前兩次諭旨照會該國西悉畢爾衙門仍即派員前來會議一俟訂定日期即行按照議定會勘處所妥為辦理等因欽此等語查前行各城咨文至今兩月之久尚未據

覆伏思俄人已見我總理各國事務衙門照會該住京公使文移又兼塔爾巴哈台貿易園現在尚有俄兵居住耳目較近等語若再緩期行文誠恐俄人反生疑忌從中另

生枝節。查現時大雪迷途。俄人卽接見約夫。計亦不能前來。是以才等將准總理各國事務衙門行知。准照該使臣議單辦法原委。照錄知會。並約明年派員前來商辦換約等因。當於十月十七日行知。該西悉畢爾衙門矣。計該團明春必派使臣前來換約。才等伏查烏梁海蒙古以及內服之哈薩克布魯特人等。世受

天朝養育之恩。必不肯從逆。前有在伊犁出力報效。又有供給馬羊之舉。我國焉肯置之不顧。才等俟定議時。不能再與理論。至各處卡內之地。若不豫為查辦。作何安插。誠恐俄人遽加驅逐。不容各項人眾。仍在卡外住牧。勢必聚族內

使無地安置。恐生擾亂。所關非輕。除才等仍卽咨催伊犁
烏里雅蘇台科布多趕緊照依前查妥速布置。以備安插
各項人眾外。才等當卽檄調哈薩克汗爵綽坦公阿吉台
吉迪納雜爾等來城。查其情誡。如果該哈薩克等均願真
心內服。卽令該汗等詳查每台吉一人所屬幾蘇穆。每蘇
穆共有幾千戶口。俟查明後。據實呈報。以便確查卡內空
曠之區。酌給地方。再與該使臣換約時。妥立善後章程。以
期久遠相安。一俟哈薩克汗爵綽坦等不日到城。才等定
見曉諭後。卽先派妥員帶領該汗台吉等。分赴南北兩路。
周查各卡倫以內之地。將來分界後。將此項人等遷移卡

內究竟有無地方安置呈報。並俟明年春融後再派兩領隊大臣於巡查卡倫之便。先期前往覆查據報。並請

旨飭下伊犁將軍常清烏里雅蘇台署將軍麟興科布多參贊大臣廣鳳等。迅即派員確查。作何安插烏梁海蒙古人眾。及伊犁卡外住牧內服之哈薩克布魯特頭目幾人。共有幾鄂托克。將來遷移卡內。安置何處。逐一詳查確實。咨覆前來。以便妥立一切善後章程。備與俄人互換信約。屆時才明誼再回烏里雅蘇台將軍本任。會同參贊大臣麟興廣鳳卓林。敘多布等。辦理一切善後事宜。及督飭委員。同俄國官員建立該處境內界牌鄂博。其伊犁安插內服之哈

薩克布魯特等各善後事宜。仍應由將軍常清督飭委員妥為辦理。才明緒自應仍遵前奉

諭旨。會同錫霖等辦妥插塔爾巴哈台內服之哈薩克人等。及督飭領隊大臣。帶領俄國遣派立界官。建立本處境內界牌。鄂博事宜。俟將通案辦理完竣後。才明緒再行文却塔爾巴哈台參贊大臣印務。馳赴伊犁參贊大臣本任。合併陳明。

諭議政王軍機大臣等。據明誼等奏行文俄國。約派使臣前來商辦。安插內服哈薩克等人眾一摺。俄國分界事宜。已經明誼等行文該國。准照該使臣議單辦理。並約該國派員前來商辦。換

約。現在大雪封山。計該國使臣前來約在明春。著明誼等即遵
照前次寄諭。將分界事宜。徑行斷結。不得再行咨商。總理各國
事務衙門。以致往返稽延。俾該國藉口。另生枝節。總以妥速為
要。不可意存諉卸。至烏梁海蒙古並內服之哈薩克布魯特。及
伊犁附近邊卡居住之索倫。四愛曼人等。有礙生計之處。亦應
豫為籌畫。其塔城所屬藩部。即由明誼等查明情願內附人眾
若干。設法籠絡。無任與俄人勾結。一面查明卡內空曠處。所以
便於定界後酌籌內徙。並著明誼等速即知照。常清麟興廣厚
等。迅將所屬蒙古烏梁海及哈薩克布魯特。一併採籌妥安置處
所。妥議章程辦理。至伊犁各城。有礙蒙古人等生計數處。能否

令依國謀出數百里。以便安置此項人眾之處。並著明誼等於該使臣會商時相機辦理。毋稍拘執。

壬寅。成都將軍崇實。四川總督駱秉章奏。伏查田興恕前因奉

旨來川。聽臣駱秉章調遣帶勇由黔赴綦涪一帶防剿。李復猷股匪。嗣奉革職拏問之

旨。且等當將在川礙難辦理各情。據實密陳。旋奉

諭旨。飭令田興恕回黔。仍交勞崇光張亮基審訊。當經臣等轉飭田興恕速回黔境。妥為遣散所部勇丁。靜候黔省審辦。回

興恕當即遵

旨折回黔境。聞其不敢遠行進省。恐致激生事端。仍在松桃廳一帶聽候。黔省定案。惟田興恕自回黔後。並無公牘來川。是否尚在松桃。且等欽奉寄。

諭。自當欽遵辦理。遂派委員迅赴黔省。查提田興恕來川羈禁。並查正安一帶。現有號匪滋擾。時在川黔邊境游弋。松桃秀山連界地方。復有包茅仙股匪聚散靡常。道路時通時阻。且等惟有密飭委員探徑前往。設法查提。一俟田興恕提解到川。且等卽先行馳奏。一面咨照黔省。

毒解夷務始末卷之二十二